義

禮

管

見

癸近日萬充宗沈冠雲於鄭注亦多所糾駁奎張稷若似宗仰陰肆掊擊而書得盛行於世者 馬德淳但雖為演釋其於敖氏之似是而非均未能正 **精者三禮乃周禮禮記注吳庸人羣起** 為孤學能發揮者固絕無而謬加指摘 宜宗鄭康成此金科玉條斷然不可改移者也鄭學尤主而字學經學則必定其所宗文字宜宗許蘇塵繼幾 、失以明鄭學之精也吾友豬先生預升 是大田司

明鄉注之精者正為鄉注明而經義乃明也其自序謂 改筑經文以遷就其詞此言可謂切中敖氏之病微 之意不專在解經而惟在與鄭立異及其說有不通 以叛鄭為事其叛鄭者 生之詳審善贖書何由發其獲耶大抵鄉學鬼文如 而鄭氏之精乃明抑豈特為鄭氏之功臣最所以 訓然 解喀先生豈好辨哉辨敖氏之 八七百年之間說經者十

皆與先生有同志若尚書毛詩則子惟力遊鄭莪而先 合也其事主於鄉者惟禮學焉可 於鄉注外兼取孟喜京房荀爽虞翻諸家於春秋左氏 經究何皆有偏徇黨曲之被乎曩者先生蒞審說周易 七史商遊歷城術獨已備著其說矣然如先生之說 耳夫說經之必有所專主此漢經師所謂家法予誤 則取買透服虔於公羊傳則取何休皆與鄭氏不 Manuel 德不孤必有鄰此但可為知者道豈易 知先生之 一悖也凡此數背余

				盛再拜頭首謹序	乾隆四十有九年歲在甲辰正月上日	イディー
					同學愚弟王鳴	

THE PARTY OF THE P **欧鄭氏專巴學未為異義所旧至元吳** 無從指辭不晦庵黃勉齊楊信齋諸大 舐為班路少其所與集說雖云宋 禮之有住所謂懸 疏而台自逞私意非有所依 學亦注疏之 而行南後 古注如土苴獨儀禮爲樸學空談義)縣而樂其易曉 諸日月不刊之書也朱僑說經 較正屋百之一 也 耳同年

年乃確炉鄭義之 在東州得以西為 面者生叛改東為西先生辨之 豆意尔在解經而 **歎四為傳輸然未得轉** 且無極文 掛擊者是 八以曲 禮管見稿本將付 一用心 必可從而敖稅之 一就其義不幾於無忌憚乎号 入其元中而不悟至於說有 專與鄭立異特其官會而不 要其全稿 如鄉飲 注明言統 梓而易予 生沒後

邆 向西 上射於左敷 N 下射位在 同之味 **觶矣安可破觚為軃平大射儀** 角 鄉射 鄉 文也熊禮殷觚於賓敖改觚 、射次在 西之別矣喪服記公子寫 射改為於、右先生辯之 酬以 袒 射所 解热禮牌 同但 東從福向東 射資中年少者 鄉 射位在 正主歐 征執

酒 也敖書今雖未大行然實事求是之儒少而喜新超 明齊為體 禮安得 無禮据 英能置其啄夫經典注 夫為主人也有司徹之答一 明齊酸 敖改再為一先生辦之日鄉飲酒眾資答一 冠母重故言其質妻輕故言其紕非有! 也士虞 以彼相 **帆剛經文乎特生饋食禮三拜衆資浆資答下交脊為酸酒亦專言酒不及體豈得吳解** 酒敖以酸酒寫行文先生辩之曰注明言有 練冠縓緣就其質言之日練冠 例乎皆其串全經疏通證明雖好辨 相輔而行破注者荒經之 拜者大夫為祭主也

柱兵夫壬子三月同年生錢大昕書成用制作之精意益以芯昧則先生是編洵中流之砥之士多不亟離而闢之恐有視鄭學寫可取而代者而 **於學館見**

自序 經若義疏之學北史載沈氏重所著四十卷至隋 醴 他如黃氏慶李氏孟您之章疏其精者多採入買疏 劉道拔周續之十家然其中大都專注喪服而罕及 有馬融 不復存自朱以 經諸儒註釋視他經為獨少李唐以前自鄭 王肅孔倫陳銓裴松之雷次宗蔡超宗田 《廣如陳氏祥道之儀禮注解陸 《後安石廢之諸儒力起而表章 一儀禮圖皆足以

家主鄭者十之一二主敖者乃十居八九矣死之以敖 其議論之創獲而不覺其有排擊之迹由是後之言禮 用心亦良苦矣然為之反復而紬繹焉其意似不專主 編自謂於鄭注之不合 亂真又其甚者於說有不通處則改竄經文以遷就其 解經而維在與康成立異特含而不露使讀之者但喜 **静好乃近於無忌憚乎夫鄭氏之注儀禮簡而核約** 一精微而廣大禮家莫出其範圍 儒之說補之叉未足則附以 一說深按經文穿鑿支雕破碎城製實開近似而 已見其致力亦云勤矣 意義有未足則 取

義豊智礼 **採着亦間附焉叉深愧夫無該洽之學綜貫之識不足而與背經訓者——訂而正之其指摘偶有———條可** 使人 舍平平之正道轉 然而易明確然而可信而不使異論邪說汨亂而晦倕 而實背經訓者 候後之)文亦將從是而晦矣不揣檮昧摭敖說之故與鄭違 表章羽翼夫鄭學也脫稿之後名以管見滅諸篋笥 一君子或者因是書而循流溯源知鄭學之 LE PER 也夫是愚區區之心也夫 訂而正之其指摘偶有一 入於岐趨竊恐鄉學晦而禮

海外禮 東北面告於主人與陳字三耦拾取鄉射禮 東北面告於主人與陳字三耦拾取鄉射禮 東北面告於主人與陳字三耦拾取鄉射禮 若有北面者則東上東欧 一大相見禮 言忠信慈祥兴忠信二先見之先於氏集說晏改經文摘錄於左 鄉 鄉上昏 媵爲以 **胶** 行第 肺取 馬字 爲牖 如

字字為術小射正 · 字若諸公卿大夫 字於左方 背下 勝 改改三 司戶貨數 牢 行字 宣再 饋 為 改 爾下祭記 虞 丧 牲 改見他 殿 配 安白主人 字添同不禮禮 **糖用葦席**字 字 字 祭糗脩 一佐食以 佐食按祭牧母 角度衍席 酒 乙殺祭殺 价酒祝奠 命佐 一婦日孫婦於皇祖姑婆命佐食墮祭以墮為殺言 提俱命 換右左 於鹽坐振祭 坐以拜 婦孫下言

盗士之子有二

の

の<br/ 此 別白者恐人誤 則 冠昏其子亦依此 禮第二 經所指及鄭 疏所云必 〇 士 一冠士昏俱指士自身冠昏而言而 赐啥唯同校字 認此為士冠子之未仕一待四十始仕是也疏所 等其年未二十 注所引齊語是也其未 禮 如專謂據子立文失其本矣 能任職

之子 傳所云屧享之禮 末造想因是遂有天子冠禮至周彌文玉藻云緇 冠非特有緌而稷 可推也此見於傳 元冠朱組纓天子之 布冠績綏諸侯之冠 辭則如史 **维视成王之頌因天子而諸侯金石之樂因諸侯而天子可推** 記可考者也其加冠之數質 且 補注所未及 冠也則不用緇布冠而用 也則與士無矮者異矣又 用絃之色矣其行事則如左 諸侯冠禮夏之

を建せてして 禮記 羽 **丁**自冠五加 而貴者也而 **S** 寫易難據 子冠禮亦儗 而日天子 大戴禮 用晃 固明言之 四 儗 说 說經善乎歸氏有光之 幈 則 矣 冠 冠 轉滋謬禮制益汨 諸 者 醴 篇但 此 諸 侯 援家語冠頌有儗冠之文謂 日天子之元子 非孔子之 四加役 宜然若王 何据當俟 有元 冠共子則仍 主也 因是 疏增 知家語為王 天 而附會 禮自 也

筮於廟門 之 司如主人服即位於西方東面此 臣俱可謂之 冬其無常月明矣 觀夏葛展令皮展之文則可勿拘貫疏冠有常月 說無常月而不筮月者主於日也魯襄公之冠也 加似太從簡故為孫毓所 〇下云闋外則與特性 作臨民豈得復與民同因止 有可但襄冠事所用人少或私臣已足 禮 上〇公有司及私 同在廟門外可知

然 布席於門中闡西閾外〇席用蒲當右扉 是我是下了 人許諾右還即席坐西面卦者在左〇大夫蓍長則 立筮士耆短則坐筮然筮者雖有坐與立之異而卦 之文故不必言坐少牢禮上云立筮故下明之 者聲爻於地無不坐也此經卦者在左蒙上即席坐 者相變兩處俱失之 則卦時乃坐繼乃與於少牢禮則日坐卦者坐與筮 者在左坐經文了然敖氏謂此不言坐則是立也立 之交敖氏補入書卦之具亦密具即方也 1 /w. 11.11)卦者書 £

若不吉則筮遠日如初儀 與筮時異向 不吉則於下月另筮蓋祭禮可廢一 紀文明著之 卜筮不過三也如初儀如筮 可廢也然如疏謂即於是日筮下月上 安渾耳 、他月故三筮不吉則止不祭冠可用後月故三 受ឃ反之筮人還東面旅占〇尺之 就有司西方之位乃還其身東面必會東面者 足與祭異祭用四孟不容 一時而冠禮終不

佰費冠者一 禮賓客之中不敢褻以贊冠之事若贊冠者必用降贊冠者一人亦如之〇筮而不吉之賓則列之於觀 整体記 面告兄弟亦然告有司 西面此與特性視潛主賓在 請期宰告日質明行事告兄弟及有司O **| 不親宿使人可也** 賓預定而不筮矣直宿之耳言一人則餘贊 東西位者不同不可以東北面西北面之儀例 //x/2.1.1.1 詩期東

弁素積緇帶素轉 之衣卑於裳耶按許 有謂皮弁之服衣 枪云士無市有枪 則魔裘裼以素衣 同朝服用十 與晃服 用素絲按論語云緇衣羔裘素 制 〇此 同 氏 如 五 之裳 之衣而 說 榼 升布為之而與弁同色後 服之衣用布用絲未有明 弁服意必仍用素絲矣 一缺四角與玉藻之制微 文市部郭翰勒之本字 同而尊之之 外加朝服仍用緇 論豈虧 別

Total State of the 元端元裳黃裳雜裳可也○朝服惟素裳此俱配元端 有晚色白而用蒼黃色之衣以楊之者乎 也二字容有中下士在其中是無定之辭非許用之 之幅必三黃之幅必四不可易也敖謂雜壞亦可前 辭禮服衣帶轉屢色皆一定不因其無稍爲假借何 獨於元端之裳許其通用他色乎敖說似是實非目 宗衣為

正記者

凱言

絞耳

皇説

良是

夫衣

裘同色

豊 天元而地黃陽前而陰後故元必在前黃必在後元 三等士必配以三等裳復制黄裳雜裳並非贅設可 元端服平時元短惟始冠則酣經

舒弁 〇 育弁以 之天子 諸說紛紛從此而起其誤盡緣君使卿華弁歸饔懷 謂不當服兵服 爲之其色赤二 同服用亦各有所當自陳氏祥道謂虧弁即是章弁 冠 用亦各有所當自陳氏祥道渭等と「子諸侯服不服無明文章弁則施於軍旅君臣」、分後七丁」 得純服日 此為爵弁 ニス 知歸饔餼是主國待賓盛禮故 兵服故注謂以蘇布為衣而素 耶惟顧命之雀弁孔傳訓 3

兄弟畢袗元 銭豊からし 裳矣○舞與弁俱虧色故疏謂之同 裳彼黃裳或雜裳也下文別言贊者元端見裳非二 端可矣何必贅 黑色者孔戅達云熱兵衛王異常服是也 見舞非爵舞矣擯者贊者之異於主人者主 兄弟之異於主人者主人爵鞸彼緇鞸也經言 也又願 〇敖氏謂盡服元端如是則云兄弟畢元 去毛者為之晉書與服志所云鹿皮淺 一
診字
乎當依
注
衣
裳
皆
元
之
解
為 命蒸弁鄭注訓為青黑色得用青

主人指贊者○鄉飲酒拜賓及介此於贊者止揖之禮 **擯者告○敖氏謂此賓乃主人戒宿而來故不出請事** 揖之地位俱在相肯相问之際其當碑揖者亦緣一揖 (注謂入門將右曲揖將北曲揖當碑揖解所 也與東西房等廣於東西堂四之一 蓋破注出請之言 南西塾稍偏在西堂東南遙與東西堂不相宜其廣 正堂斷無反崇於堂之理 如鄉飲酒之介實未然

定之後三揖葢主賓各鄉東鄉西而發位則相肯故 揖注初未與經建 人升立於序端西面賓西亭東面〇寶濫在西序端 也文省耳此非昏禮之 指其義何從而生 北之中亦不知何所據也 **破注相向之說而誤又謂主人避冠子** 二分庭 放深得制禮精意激氏謂於入門左右之位掛 17/1/2 在南揖三分庭一在北揖不知第二第三 至設碑之節駁去售說云當庭南 資安得在主 鄉飲鄉射俱指北上

筵於戸西南面○戸牖之間最尊之位自尸而外惟 **資受醴於戸東加柶面枋筵前北面〇訝受也贊酌** 設穿賓盥正纏如初○設笄在I 非特失旨且背記文 弁笄疏謂紛內安髮笄的甚 居之故冠義云醮於客位加有成也敖 非私臣可知 對冠者 等耳此位亦

降筵 提相○即建**相**也 **施及地屋で計せ 冠者奠觶於薦東〇士昏禮賓卽筵奠於薦左疏云升** 時已言加柶此復言者葢因下面枋而連言之耳豈 席南面奠之南面者取席之正此亦南面奠 更為之謂乎觀昏禮主人受體面枋不言加柶自 牲少牢俱云賓取祭以降則祭脯也此篇下文卒醮 餘者以見母敬也凡已祭者不 云取邁脯如初則是遵內之脯非祭脯也不敢取祭 北面坐取脯降自西階適東壁北面見於母〇特 氏爾岐日筵前北 面致祝當在此時 1/2/2121 明

毋拜受 賓降直西序東面主 無事而人 斯須之敬禮以義起者 位在東序端其堂下 **直東** 益 位故鄭即據之 C特性禮嗣養時父先拜之 八者母在闡門外無疑 以其傳重累之 序之位遂 **陀階前不宜東序此** オース 、降復 則無 以釋初位敖氏於上主人 此經初位授以指之不知主 初位〇 位性有 以其成人禮之也所謂 **降亦然也凡堂下** 護升時性偕前暫 人堂上 降 聍

所體賓○經於體實體婦 醴資用酒則經 仕也不知士之子苟未 仕冠後亦未必奠 學見君 用鬯不云鬯賓足破不必改禮之論 **、鄉先生〇敖氏主士冠其子故云不朝服以其** 醴 矣又云用 優禮於人之意不欲質言之也疏謂天 元冠元端爵 酒則異而 酒用酒 何以 禮賓之 不明著其文且敖氏 **韗奠攀見於君遂**以 而謂之醴非名實相外平 川醴 皆爲體注必讀爲禮者葢 則同集說謂醮子 醴子醮子之 八旣讀體

資者皆與懷冠者寫介○上 衆對衆賓之位亦在堂 酬於聽成而酬之亦其宜也酬賓乃獻介亦其次疏說不可易謂在賓受獻之時者非一獻之禮成 鄉可不見先生亦然 日飲酒之體有賓有介有衆賓此費冠者為介餘 儀主於大夫士庶 酬賓東鳥儷皮○幣言酬賓必行於奠輝之節 相抵牾葢彼是而 禮忠 此 以 "非也鄉大夫異虧者也非其 下見於君其不用擊歟與此 向不兼贊冠者在內集 見於君條敖云奠摯之 一獻之禮成於

|若不醴則醮用酒 | 張氏 民間を見 費冠者 有雙在西南順〇 從尊在房醮箧從洗在庭體待三 側尊在房醮兩尊在 加郎 每加入房易服出待賓命醮則每醮乾立 的授賓賓不親酌醮則賓自降取喬升酌 **祝至醮特始有醮辭自餘不異 離**費止 體者每加冠必祝醴時又有鹽 |脯醢醮三加時又有乾肉折爼 房戸之 爾岐日 ,間體用解離用虧體 [翻鑑] 加里 法其異者 篚 醴 曾

降筵拜賓答拜冠者奠虧於鷹東〇降遊其虧拜執 **徹鳥街筵尊不徹**() **有乾肉折爼〇此非脯安有** 禮也 與賓答拜然後莫於薦東其序如此必奠之者如此 取以酌 後加於尊經兩言庭洗而不言北掌之洗文略也 **豚解之骨未必如丧祭之二尹也鄭謂若今凉州鳥** 取虧而態主則以體體資效虧 | 疏云豚解|| 而七體||)薦則暫徹而更設虧則再贈時 **卿兼有勺先曾**

加爼噂之昔如初齊肺〇 若殺則特豚載合升 初則祭在其中矣註誤攺嚌爲祭 例何反背經而云左斯不然矣疏不悟其訛乃云 別矣 一般法曲說也 **諸吉禮皆升右胖而此注言** 為齊肺也朱子日初謂上 當從本文 注 一徹豆篷 性皆左 爼無肺而此有肺故特 | 胖左字疑右字之 則是解全經之 此豚爼故云

戸西孤子禮於作已為主也敖氏因此文遂有之作○有父加冠則父為主而以客位居之也故之然而見伯权父而後獨冠者足補此經未備 庶子但得用 不衣采則異 説 位 以始聽日始加元服再醮亦如之庶子用醴未之前

を見るとして 者 礁 謶 加 **者曾子問孔** 冠時豈若是 耹 誤會註 則三 耶 理 始 A. 時 意 可 也 於是 恐未 適 服 云 等 加 然朱子 爾服與 乎亦非也 適子有必詞將用於醮矣而已先 辭 而庶 亦未 周 之 同 集說 庶子 / 醮辭於 則亦 故 用 謂 醮 聍 同

宋三字當略讀句法與大人浩 公俟之有冠禮也夏之末造也〇⁹ 便無所謂受矣被出而嫁則已絕於廟亦不得行此 冠者母不在則使人受脯於西階下〇母沒則無所謂 禮矣不在當依疏歸寧疾病之訓為正 服故歸遂不畋冠孔疏云使人酌酒以飮已 場不酬酢是也 **沃夫未冠總角從事當冠之**

也繼 という目見 說不足 子之 古者生無舒死無諡〇張氏爾岐曰諸侯繼世而立世以立諸侯象賢也以宫爵人德之殺也死而諡今 天子之元子尚然況等而下之乎觀此益見儗冠之夫與諸侯無自身之冠禮此又明冠子亦用士禮雖子之元子猶士也天下無生而貴者也〇上旣言大 指君自冠非冠其子也,有通左氏傳季武子所云疑即夏末所造之禮然 元子猶士也天下無生 皆用士禮凡以官爵人皆以爵為等殺爵一而貴矣實以其象賢乃立之非生而貴者 宿

亦與注股士生不為虧死不為諡周制以士為虧死者也此條深得自天子以下冠子均用士禮之意而用士禮古者生不以士為虧死不為之立諡士固賐 猶不為。

這之說相合如此則朱子疑繼世以下為錯

亦與注般士生不為虧死不為諡周制以士為育死 簡恐未然矣 待有德安得有生而貴者乎虧以德升故冠從乎 履管見卷上之

禮管見卷上之二 斯氏嫁娶必以仲春王肅以為秋冬嫁娶之時孫 二十言其極耳令接三十二十而嫁娶者周官掌 二十宗王肅以為男十六可娶女十四可嫁三十 昏禮第二〇杜 氏佑 口康成謂男必三十娶女以 明鳴階 同校字 褚寅亮撰

貶何限於仲春季 夫逆女自正月至 月為 惟是三族之不虞 秋 娶者行焉水泮 卿 云霜降逆女 不特見於周官即 四十年 恐非至當說 而弗從白虎通 天王 秋 h 充滿任為 曲 得古日便可配合先賢以 以相非哉士昏 桑起昏禮殺 似圓通然二十娶二 禮内 云男 后曾女出嫁 悉不 得時 於此束晳云 禮請期餘一 亦彰彰可 失時為 人來歸 嫦 功成 時 春 嫁

於大戴禮夏小正士如歸妻迨氷未泮養云其文 之本意夫寧若是又嫁娶必以春者白虎通云天 台會男女其文見於周官二月級多士女其文見 地交通萬物始生陰陽交接之時也故仲春之 春秋時風俗媮薄有不待年而卽恣淫欲者於是 見其惑茲不得不力掃羣說而獨申鄭義云 見於邶風今亦舍經不信而信孫卿王肅等官祗 不得己乃遷就為早昏之禮以杜共漁色之端禮 下達納氽用鴈〇朱子謂下達二字爲用鴈而 **们之數生萬物也此直抉聖人制年歲之**

盛則天子諸侯大昏合二 來也與六贄絕不相涉若云士許用大夫之贄以攝媒氏下通其言之說至用應之義注所謂順陰陽往 取其隨時南北不失其節明不奪女子之時也又取主何反降用大夫之所執乎又案白虎趙云用鴈者 鴈下達文義與三年之丧自天子達同方順今無上 而啟口卽云下達古人立言恐不若是仍當主使 一成列明嫁娶之禮長幼有序不相踰越也 一姓之好以爲宗廟社稷之

瓷整字記 使者元端至〇鄭注兼僚屬私臣兩項言敖氏專指 為主 者然考左氏懿氏 六禮必皆告廟不徒卜而已其說似女氏 先告廟者示不必安也則行六禮必告廟之 公筮嫁伯姬於秦遇歸妹之暌則卜筮皆用矣壻家 亦惟納吉請期有卜他禮則否又白虎通云娶妻不 大與孔氏 用漆几是時主 西西 12.11.11 祖俱沒則行事於宗子之 西 、類達謂女家每事告廟則男氏將行 下妻敬仲其妻占之 一人及擯者立位與冠禮同 女父在父爲主)日吉又晉獻 廟而以宗子 (可不問 一說亦未 、祖在

授於楹間南面〇賓主行禮之儀昏禮與於常禮者 臣似偏 先登容從之皆賓主敵而主先升之 也道之故日以若賓尊於 也班禮大射禮学夫為主 大夫升一 八先升也聘禮賓價卿賓升 **禮無賓主俱升法疏似失之** 一等賓從之又 曲禮云主 主則賓先升不必銜君 人與客讓登主 く証先 即敵者 升者道之 而當阿 命

長単立を引 賓 可被 則直 一破注 張氏 法主執 授老鴈〇敖氏 不敞而公不授 兩端受此 記 三非况: 者非矣問 爾收謂 西面 //v. 一禮應 雨端 |月之名此亦與卜得吉日而 則 改經乎敖氏改授為受以文曲說 授則賓 訝受 以校授賓也注 、云授於偕下旣則立 主木敵故授校亦未然聘禮 云對賓以女名則孔 校 何與以校者校微 執 則並授而又俱南 證氏問不敢斥言也 中間受主靴 俱依經 4 《向外也 於中 中間 設解 先請 面也 庭 授 安 蛚

祭脯醢〇注云凡祭於脯醢之豆間遵爲竹 矣云如初舉大略而已 授如初 為八去魚之 豚 連於骼脊則分為一合夫婦各 亦得名 云豚合升 意同所謂 一蹄舉 胖 豆 而為十四合偶數也經明云腊 八在中 肺脊 則豚解爲七體 一讓如偽 〕儀禮一 庭則止 祭肺 經言如初者俱放 義且近凶禮矣 無三揖 石州 增春之 放 俱 提 上 指 之 節 督

從車二 起きがし **候于** 房中**臨醫** 女次純衣纁袇立於房中南面〇按周禮內司服注 敖氏謂士從車二乘與乗車而三士之車數於此可 見轉似士應得有從車二乗者與制未合 豆變也聶氏崇義 假亦兼夫婦菹醢敖謂葵菹蝸醢 、尚專一 | 乘〇疏謂大夫以上有貮車士有者攝盛是也 一而衣緇裳纁耶吳草盧 1 . 1 x 1 x 1 x 1 德無所兼連衣裳不異其色豈於嫁 日覆饌巾士大夫 一脏四三皆中之黍稷 Ľ 所云裳下稱與集 四敦省 用饋食之

笄被額黼 安絹衣本在六 **禮惟婦攝盛車** 所為 异衣 而 被於 元末 一被 額黼 ○婦人之即 服 服 乃有異耳此固從者安得別 衣之上 姆執禮 服 未有以黼爲衣 與 禪 亦循婦之 心者爲景轉取鮮一聚為文之太著 服 加景非也 之

庭生三! 面載執而 西向以南方為上正法也何緣變為北上彼葢固執 御盥之說是媵御盥 但交沃者廢御也監者夫婦也如敖御沃胺 西之後而言勝御 相變故遷就以文其解耳 (C) (C) ないない 少年云七皆加於鼎東枋 沃盥交則敖云监於北 |而反遺夫 面 /婦矣則非也席東 吸盥脧 東枋 即

圖假設牢共 如設稷之 於黍西此 豆 | 經所以特著設黍於腊北之文也| 地已有腊在故必設黍於腊北元| 設布 夫 肃 羅羅羅 西魚 雅 其稷宜設在黍西豚 醢菹醬 濇 席對 東

皆食以消醫皆祭舉食舉 終題がし 有爼則是六爼而非三 之 每食舉必啜湆而咘醬 例 設之稍北因有對醬於腊爼為東北及腊北郎醬西 以云對醬當特爼也觀圖自了然矣敖氏以對席當 **酳用卺亦如之〇儀則同初酳無從則同再酳** 洗餌於庭皆有兩番降 一說不知昏禮對席與養者對席自別夫安得以彼 肝從〇此贊又一人亦縮執爼與少年同 此設席 1/1/21222 一誤戲位無不誤矣李氏如圭謂對席亦 祖且失同牢之 也〇浩如何可听從啜爲是 **之義亦非**

於 階 受 笄 服 脩 升 O 婦 得似主 九 夫宗婦親用幣何氏 外門內別輕重之 執服脩以俟於下 執棗栗見姑執 服脩 人子弟之倫注未明釋 類似非僕隸下 為敬見 服脩之文也集說謂於舅並 已見員不必復出矣故侍御 去禮婦人見舅以 旋降階受之以見姑並非以 至尊兼而用之盎據此 按公羊傳

唯二十四年 八而爲變 姑闕其疑 御殸饒又不

拜費 為 無魚腊 側載 然少牢獻侑不俠 此婦 體已然 兩爼 拜婦 拜之通 無魚胎無稷並南上 〇士室約梁 則他禮 而言侧則彼固有 一胖故日 例也 不俠拜 、拜者 側亨此各載 敖 經 辞獻月禮 合載也非無魚腊 與則合誠則左 不俠拜者惟答 一件故 亦分為 日側載 重其為 調 手车 舅

隊御懷姑願之○御亦得所疑未必甚賤 與為尊故舅居與而姑坐舅北敖氏問舅北姑南 是與始饭之錯〇先是婦止俊姑餘不得言錯至 **尊西面酳戸西北 酚無從〇敖氏日婦洗於止** 也 統於主席也敖氏謂此席東上 下焉能更横容婦席耶當依注共席之說室 下〇席南向北向以西方為上 一面拜舅姑答拜於其席 堂酌於室中北埔下 誕

另姑共變婦以 **看異邦則贈丈夫送者以東錦○士卑不嫌外** 者見止俊黍而不食舉也何也姑所舉者婦已俊訖 惟餘見所舉者而已若朡食易所舉而御無舉可食 饗後亦燕朱子日以鄉飲酒約之席在室戸外西 者始飯二字以明交錯而俊止敦季也 食學一 更酌以酬婦婦受解奠於薦左不舉正禮畢 酒綠婦婦於席西受飲畢更質酢舅姑乃酌自 l 一不食舉非交錯之義故媵亦不餕舉經特 獻之禮勇洗於南洗姑洗於北洗奠

者舅姑既沒則婦入三月乃奠菜O 舅没姑存則當時 勘不行與菜之禮矣疏極分明庾氏尉之前舅姑偏 有沒者見其存者不須見込者量稱廟可不見乎進 俱有明說敖氏以此例大夫泥矣賭錦又在酬錦 廟非無廟也以身尚存則權附于皇祖姑之廟耳 氏靈恩謂盥饋於存者廟見於凸者當舅見在姊未 見姑三月亦廟見舅若姑没舅存則婦 有專廟又 、皇祖姑之廟矣乃竟專見姑乎事有難處故姑沒 2不見為 正三月祭行達禮也三月祭來# 何由而見乎皆屬一 偏之見疏謂婦 八無廟可見

经期买买工 竹饗婦送者丈夫婦 一段朱於 諸彌筋 得行之 詑 **禰終不得云禰廟** 始來時不在老體婦後經葢因言廟見而及之耳 用鮮 〇惟九 也不可混而為 馬婦則否 此為適士 / 1. 1. 1. 1 一〇張氏爾岐日 、如易姑狸禮〇此禮實行於 此在與之席 方之席 一、朝雖受諸

旭廟未毀則教於公官三月若雕廟已毀則教於宗室 作前维男 左首 0 當如注象生之訓非以西上 | 受皮者自東出於後○注云士謂若中士下士不命 首矣 使耳集說事主私臣反偏 者所指原甚廣私臣亦即在不命者內惟主人之所 取共新耳故疏以月新解之 氏類達謂與大宗遠者於小宗教之所以通其窮也)異姓亦有宗子之室於彼教之宗室注指大宗孔 則使人醮之〇 醴適婦位 3 一故也故聘禮則右

問名 惟是三族之不虞〇 父醮子〇此條注汲古閣本於壻也下脫去醮之禮 有命且 時者多矣三族照注父及已與子之昆弟為是勿從 從父從祖從會祖之親之 其事而設其辭皆謙退 婦位亦同醮庶子位在房外南面矣敖氏疑此席亦 人之女主人之辭若猶有他姓與男氏議昏者 日某既受命將 口以備敷而擇之 間 於總 某不敢解○賓之辭若不必為 小功而遂廢昏禮則嫁娶失 不敢質言也注疏說合記意 卜敢請女為誰氏對日吾子 一說更宜參考於雜記之

宗子無父母命之親皆沒已躬命之〇命與親迎禮節 南面三說未知就是敖氏說本鄭注但此禮醮子父 非醮時荷子以為父南面而立于北面而跪醮而命 先告廟示不必安也故注以為醮於寢或謂在廟者 之呂氏坤以為父西向子南向敖氏以為父北面 親迎固哉按哀公問諸侯當冕而親迎旣繼世而為 **冠雕與其異者於腹彌十三字按白虎通云娶妻** 各不相崇集說言父 而非釣則父北面之說尚未安注亦作疑辭也 汉則無醮而命之之人故不可 一禮與以父存沒

段 原 至 三 見 支子則稱其宗弟則稱其兄〇弟注所以必指宗子 入主人所拜受壻再拜送出〇經明著入與出之文敖 者之意 祖之宗子敖氏謂有兄則不称宗子尚親也似失記 也雖其兄而非宗子也則仍從支子之例而稱其繼 弟者見所稱之兄非六宗子則必小宗子也假如宗 之等非必指父沒者言也 子沒母弟之次者存季弟行昏禮亦不得稱次兄何 氏以為訝受於門中臆說也授受之節宜亦如士 而異下記言若不親迎謂或有事故及疾不得親迎 CK 12 12 1

後				見主婦主婦問扉立於其內壻立於門外東面〇壻東	見禮在中庭	イガイーション・ス・・
---	--	--	--	-----------------------	-------	-------------

吾子有辱○注訓有為又言已不能先來而子反自 を随管見を上之三 見見國君又推言侍坐侍食之儀下至庶人禮亦於見卿大夫見國君又推之以及卿大夫之自相仕之士亦在其中因平敵相見之儀而推之以至相見禮第三〇指諸侯之士言而天子之士及未 遠焉葢所包者廣矣 **嗣鳴階** 同校字

者吾子 辱使某見 〇 辱字當 清見賓反見〇實 亦不辭而反見葢來見之意本欲相歡洽故也 禮敢固僻 〇 注云不敢 凡與客人 八再拜受賓再拜送替不能習禮之故 田後 者 當其崇禮來見尸)放氏亦

选為實主之事疏以聘賓及尸例之恐未當 然矣經不言者儀已具上文耳注所謂同日異日是 氏三不俟主人之 位音記 則出迎 夫還對何爭此斯須之項而汲汲如是且賓 、異日為敬 人顧傲然自尊不出迎乎揆之情理斯不 同日則否 、於其入也一 同日而往謂之殘日故注云異 亦因答者之敬心以為差也敖 而卽自入盜急欲還實且尊 觬

某也夫子之賤私不足以 j 敵也送而再拜無論尊卑皆然也惟丧禮之送賓也 行還對之 而云不足以習禮謙僻也此則直云賤私而不足 若臣見於君直造君所而已故注明之集說云至 拜 禮 可也敖添翼字欲補注未備實不必 之以索 則是質言之 為臣者之禮也入時 相見既有指者又有迎與不迎 既裁縫衣其身翼并在內矣止 、踐禮敢固辭〇上 并非謙矣語似同意大 主人辭 與 别

庶 定はまるし **妥而後傳言〇注本爾** 人見於君〇此條注汲古閣本脫去庶人之 官放注引曲禮文 為庶人庶人見君有摯民見君無摯此經庶人 字統言之 此則未知何据 **輕文為証又詩以妥以侑毛** 義又云臣以贄見君時君位在路門外之東南向)執贄當帶見至尊者之禮也以至下爲當帶可備 謂當帶凡奉者當心提者當帶此執物高下之 則民亦庶人別言之 則民自民在官者 云安安坐也可

與眾言言忠信慈祥〇敖氏因大戴禮注引此文無忠 凡與大人言始視面中視抱卒視面毋改衆皆若是〇 安宇指俟君安坐而言不指已說敖氏言未可從 信二字遂欲刪之不敢從 古人訓妥總以安坐為義無有言心之安和者且 竊疑此大人君與公卿大夫俱在內與上文大人略 始中卒三視已屢變矣何得言毋改乎衆字亦不必 别注專指君敖專指公卿大夫俱偏至毋改二字以 從今文作終葢公所固可衆人俱在也 |正容體義為長敖氏謂不可以久故或改則經文

若不言立則視足坐則視膝〇注謂伺其行起即視 者若賜之食則君祭先飯編**省膳飲而俟君命之食然** 若父則遊目毋上 後食若有將食者則俟君之食然後食〇君若客之 遊則目光可四注矣葢不四注不足以察親體之安抱雖有上下而目晴專注只一直線不旁遊也若旁 否但雖傍遊而仍不得上過面下過帶耳集說謂與 视面视抱無異如是則何謂遊目 抱雖有上 命之祭即玉藻前 形聽無聲也若云益恭意反寬矣 一下而目睛專注 條是也若不以客禮待之而適 一經所云視面

也行賜之虧則下席再拜稽首受虧升席祭卒虧而俟 石平野然後授虛爵○此燕見賜虧故臣先卒虧與燕 藻視此經少不以客禮待之而無嘗食者一層兩經是也當分三節看此經視玉藻少客禮待之一層玉 **参考始備始明** 禮無算虧時得君賜虧待君卒虧乃飲者不同以侍 無管食者則此經君祭先飯云云是也若有嘗食者 則此經若有將食者云云及玉藻若有當膳者一 飲禮輕也下席再拜稽首則儀與瑪禮無算的時命 j 所賜者同亦以禮輕故不下拜也其授虛虧亦與以 條

則 勝敖又 不敢辭之文也三辭對上不 云大夫起而退 為容進退走耳 辭 不可以接見 三節皆辭之 退 調先見之 **見辦不得命將走見先見之** 下比及門三 此經 夘 則 放日 先 君與下階則君降及門則君送 亦當作走謬也庶 解○解退 三辭亦通 飲侍食 **敢顧辭遂出之文** 不敵何至 下三字連讀對 敢 放氏謂 **《人見國** 亦有 輕 見張 也

非以君命使則不稱寡大夫士則日寡君之 執玉者則惟舒武舉前曳踵○賈疏不爲疾趣正 無曳踵之狀矣上下文義不相背乎曳也陸氏佃乃以舒武為何足迹旣舒則步開澗 趨之狀也未嘗不趣而其迹促狹故前若舉而後若字之義不疾趣而徐趨所謂舒也武舉前曳踵乃徐 玉者則惟舒武舉前曳踵○賈疏不為疾趣正解舒 疑有脫誤不敢强為之說若依注則是大夫士下脫以君命使則不稱寡大夫士則日寡君之老〇此條 趨之狀也未嘗不趨 去其使二字也 **应管見卷上之三**

孫禮管見卷上之四 鄉飲酒 賢能選有德者為賓介三賓而餘皆齒序若有遵 齒貴貴之義州長習射有賓無介若有遵者則以 則席在資東而不與鄉人齒是選賢之中仍寓尚 鄉大夫賓賢之事賈疏論之甚詳但此禮雖主典 一為實自賓而外皆齒序雖日習射尚功而兼 **禮第四〇鄉飲酒之禮其別有四而此篇爲** 長洲後學豬寅亮撰 出嗣 鳴鳴嘴同校字

國則 之義焉按天子三命以 再命齒於父族三命不齒則尚齒之中仍存貴貴 而行禮故豆之多寡與年遞增而五 飲酒也竊意此禮雖日飲賢然不過在坐皆 士飲國中賢者用鄉飲酒禮此即論語所云鄉 於堂下然考周官黨正之文日一 尚齒循鄉飲也其黨正飲酒則專為正齒位 其賓介等 必以年之先後次第為之若以 上三禮皆行之於在官者也至疏謂卿大 命以上 |苟位列大夫即不以齒序為心 下皆士故如此分别若侯 命齒於郷里 下俱立

者既為賓杖者安得不俟而先出乎明乎此則知 出斯出之文不云賓而云杖者葢賓即杖者中年 年德耳說論語者往往以 有資無介如州長 之最高者故即以杖者名賓也資出而其餘杖者 此禮必兼年高有德者為之矣或謂此禮不立賓 俱出矣孔子亦隨之而出矣若尚德不尚年年 介夫不立賓則獻酢酬之事俱不可行矣故燕義 日立賓主飲酒之 近於標榜矣若以貴又非尊賢之義矣玩杖 義也見凡飲酒必立賓也其或 ~習射之儀亦未可定但賓必兼 鄉大夫賓賢黨正正

水在洗東館在洗西南肆 〇此態內實 **所舉而奠之其二為二** 為旅酬始者仍奠於篚 賓獻遵獻工 即位而徹幕其節 一皆虧酬賓用觶記言賓至而徹 〇此雙内實三輝 舉中之一故止三輝即二人所故止三輝 一也第此則覆幂而即)此館內實三虧 馬司

主人與賓三揖〇主賓入 只須進 **塗南賓西行至西階堂塗南各轉身向北則由** 轉身相背行削注所云將進揖也主東行至阼 題的見 向兩階行於庭中行三分之二遙當碑處則因有 極分明敖氏旧之 阴 相見矣因又揖注所謂當陳揖也主賓各由東西 面是相鄉也侯介 而叉指注 面辭洗○賓 謂當碑楫也凡揖皆緣向背而 降直西序之 不可從說又見士冠禮 及衆賓以次入門訖乃相揖 門後各向

與席末坐啐酒 馬末坐啐酒○冠禮冠者啐聽不卒解亦在席末記 以於井禮未詳 本也然則鄭意葢謂舉左手以垂於肺乃以右手 席前適作階上 為垂趁而不解弗字之 有時而從 取 席末啐酒不為 下由便· 也東鄉西鄉之席以南方為上 西階上 義案說文云弗橋 由下降席由上正 一本鶴起見明矣 也 屯降 則

通 矣敖氏欲護前說乃云介尊於禮輕者或得由便 非也後介不啐酒而自南方降席則從降由上之 在東降不由上敬主人然則升降皆由下惟資耳 鄉射賓升席自西方注云賓升降皆由下疏云主 例也 【面坐奠輝於薦東○注謂酬酒不舉故奠於左 非試思介身在席中並非在南此便何從生乎按 便從 也教氏謂升降皆由下反以此從北方降為正 一則左之堂下則右之各從其便試思左右 師記所云凡奠者於左將舉者於右也集 轉過席前以適作階注云由便明本

也謂辭親酌己者非謂辭奠而不授者似矣猶未盡 右賓則遷於薦左以示不舉上經之辭解其奠薦古 人揖降賓降立於階西〇將與介行體故揖賓示自 觶不舉故莫而不授又不敢必賓之不舉故仍莫薦 矣凡欲入欲升欲降必先揖以示其意禮也 是也 决之則此時介與衆賓已在西階下資南之位矣疏 便量以堂上下而生別乎 用降之意非揖使同降也實見主人降亦遂自降 ·介揖讓升拜如實體 O以下經來實復位之文 既進鄭衰且乖記文〇酬

卒先主人盟〇注謂盥者將為介酌疏謂自飲而盥者 介升 席自北方 7.眸恍〇主人自酢而介乃降洗者恐已飲之虧不潔 尊介兩說相發明惟尊介故雖代之酌而亦盥也此 也 較敖氏達介意之說為長達介意在自酢不在盥 八酉南面三拜衆賓泉賓皆答一 「就權不可易敖氏謂三三拜者放拜法皆答 | 正經於此特明者之 而不備禮答一拜士賤故旅之而得備禮答再拜 Was la licer 自南方降席〇升由下降由上升降 一拜〇大夫尊故旅 E 一拜者

進坐奠觶於薦西賓辭○前主人獻則授酬則奠此舉 質席末答拜○席末下 端之末凡言席末者未雕席也 **言降席者已離席也故立文有別疏似混而同之** 當玩調揖泉實升非也又記云泉賓之長一人辭洗 即從堂下東行鮮之疏言降齡亦非記云如賓實不 答放拜法因改特性再拜為一拜以强就其說 安甚 觶即奠以下主人故也賓不敢當故辭注云下主 至主人於西階上獻時衆賓始一 八揖升○張氏爾岐 日主人自升也聚實尚在掌下 一升受之其說最

| 資坐與解於其所〇其所仍在薦西也雖在薦西己稍 **医**度 虚 的 尼 聚工則不拜受虧○案工不拜受則主人亦不拜送獻 皆左何瑟後首挎越內紋 〇挎越以左大指承瑟下廉 **生入堂下磬南北面立樂南陔白華華黍〇俟升歌**畢 衆笙同 移在南而近爼西矣故後云北面取俎西之觶 非特明與雕之故并明實辭之故 **故無相三詩皆有辭而後込非有聲而無辭也崇** 而始入匏竹在下堂下無布席故立而吹之笙有目 而以三指鈞人瑟底孔中 The state of the s

階問北面坐與解○經云階間東西之節已明而南北 南〇未飲前則與解 而退共少立旣飲後則奠而拜拜 **坐奠繩遂拜執蟬與洗止 面坐奠雛於其所退立於觶** 可正立於楹間以相拜 〇楹間東西節也其南則近堂 之節未著故注明之恐人誤以此階間同於士喪禮 廉北面立而相 逐匠納車於階間士虞體與黍稷兩敦於階間特性 以楹間為節此在中庭而遙以階間為節義例一也 三篇问鄭不引詩序注禮時表見詩毛傳也 執事之组陳於階間之等也〇上經在堂服而遙

使二人與解於資介○注謂若有大夫則舉解於資與 可正迟立於序端 〇 視西階西為稍西然亦在序端之 進寫西與之賓辭坐取解以與介則薦南與之人 大夫 大夫敖氏謂經言賓介明雖有大夫猶及介其說似 **尚非正立其處葢序端在介席西北非俟事處也** 威儀以為表 而洗洗而臭臭而復退立皆一人獨自行禮慎重其 S與O此與少牢賓尸二人專牌儀略似但此! 一卷大夫雖尊不得越介而舉解焉鄉射無介故及 The state of the s

徵惟所欲以告於先生君子可也〇注云徵召也告請 無算衙〇此文甚略當參考鄉射禮但鄉射則舉解於 質取組遷授司正〇向席 而取組自必轉身而授入者 刀羞〇集說日此時衆賓亦當祭薦 **對出奏核〇案周官鍾師注云九夏指詩篇名頌之族 賓與大夫此則舉解於賓介二癰錯酬其節不同耳 添出就而授之一節從何處就授耶經義反汨** 不能具然則咳本有辭先儒亦謂有聲無辭非也 類也此歌之大者載在樂章樂崩亦從而以是以頌 俱舉被尸舉而侑不舉耳 亭於堂東北○學惟 立者東面北上若有北面者則東上〇經明言東上故 來而請者來否聽其自主葢旣殺於正禮則不敢必也召之與請不但見尊卑之等差且見召者必欲其 葢本此又艮為狗位在東北所烹之方亦與其物合 之東北者鄉飲酒義所謂祖陽氣之發於東方也注 可從 以屈先生君子也 (統於門解敖氏攺經東宁為西字以生曲說不 門固不可烹於門外而必在堂

磬��問縮雷北面皷之○有磬無鍾無所對故縣於階 樂作大夫不入〇其入之節在一人舉觶後樂未作前 主人介凡升席自北方降自南方〇此正禮也即康成 1 獻工大夫之獻不宜後於工然則大夫專為自己獻 不可後而不入也失之遠矣 所云升由下降由上也其主人受酢而自席前適作 為時亦無幾注言後樂賢深得禮意敖氏謂樂作 是正禮何以注亦云由便葢升以自下而上爲便 而不在西 者以啐酒在席北端故由便而非正也然則此

旅 也 於經乃云 指身在 贊同其失與解大夫不入一也 以自上 記駁之 兩由 則反職席而 便須如 席 加 注 夫 正中者言也若身在 下為 凡 一颗記 何與葢與彼升降皆 水此分別看 因其 以伸其說何所不 IE 便矣故徑從 禮敖氏云 乃得敖氏云此儀 節 由下 降 與旅 此則真由 口 而必拘由 以是為

後 一 後 他 性 見 卷 上 之 四			
			7

儀體管見卷上之五 乃席賓南面東上 〇注以序為無室故不言戸牖間或 出地〇出賓家之門也疏謂序之學門偶失檢耳 謂序亦有室按下經云尊於賓席之東而不言房口 鄉射禮第五〇此篇及鄉飲酒敖氏以為士與同鄉 不可從 之士大夫飲射於學宫之禮按之各經義都不合 長洲後學豬寅亮換 男 脚鳴 鳴 鳴 喉 同 校字

衆賓之席繼而西○注云未有所殊別者明所以 縣於洗東 17/ 序端 必留隙地也賓既升降由下泉資同可知 屬之故其不妨連屬者升降可各由其席之西端不 問似州序實無室者俟考 八於作階上 特縣亦皆肆也然則所謂堵果何屬乎經雖無 北西面〇 軒縣其為肆不待言即天子卿大夫之判縣 則知縣亦有時而堵者矣天子之官縣 |西面〇在階上)按周官小 ーくこ **胥職凡縣鐘磬半為堵** 一少東而又少南於東 相 連

集說謂飲射皆有鍾鼓鎛恐未的 **趙就東西**分言則均之半為堵士 磬 璞注容如小曲屏聶氏崇義! 而束於右上綱故曰中掩束之 而不用金奏可乎日禮所不得用者雖專用鼓可 一無鍾則無鶴矣然則陔夏乃金奏之一賓出奏 西縣鍾 文注及疏以義差次之 下綱 居侯黨之一 中掩束之〇以左下綱向上 士則有磬而無鍾也東磬西鍾合之乃成 西五步〇爾雅云容謂之 故知諸侯之 一無鍾直半爲堵 一斜掩過侯

自室外至堂廉約五丈四尺三之則十六丈二 制棟下至堂廉約三丈六尺庭深三於堂士堂之 故注謂戒時元端以此禮輕於賓興也敖氏謂戒宿 計不及二十丈不足以容侯道然則州長雖士而 外門內又須有餘地以容往來記云序則物當棟 乏謂之容以獲者所厞也鄉侯五十弓則三十丈 、朝服乃速賓〇云朝服乃速賓則戒賓不朝服 庭盎深於士廟及寢之庭也 陳氏祥道日正面北乏面南故文反正為

賓及衆賓皆降復初位○据下經大夫降亡 奠於下館而文略與 東則西於鄉飲酒工席故樂正逼近階而立 文則敖氏指階西以南當序之位為初位者得之 、坐奠喬於西楹南〇疏謂擬旅時獻士用之非也 又月取上惟之虧而今與於此者或暫與之後 **僅此更取上篚之爵獻大夫獻訖亦不復用至獻** 用輝不 用衝前鎮東序端之爵獻衆賓芘已奠 一少東樂正先升北面立於其西〇言小

反升就席〇 太師則為之洗資降主 洗賓亦不降也 注釋於此時集說謂本洗時以賓升者課也方行,升就席○獻工奠虧記而反升乃與有揖讓而升 謂立於磬西不可從 酒磬在偕間則立於 **企於縣中西面** | 降席自南方○此降席之正注云禮殺由便 一禮何得文參以與實揮讓升之體且尚有 此時亦未便即升 強勢相應並可背勢而立病飲 潛聲也放氏欲與注異)明無太師主人不 故

左足 STATE TO THE 三耦皆進○敖氏日進亦三耦並行上射在左如退邁 堂西之儀 曲就變於君之說也 射適作階上東北 前南北之中鄉飲 左足必履横畫之 履物不 在階上 一面坐奠觯〇亦當隋 一少東矣敖 方足還視 則處而不履葢兩足之間也敖氏 **距還身正足之時右足必** 面告於主 日階間 侯中俯正足 〇向北履物之 氏謂東字衍文葢欲改經文以 間南北之中而不 人〇觀此經知主 日中庭互文見 盾

不去旌〇 堂西改取一个挾之〇乘矢已射訖故更取一見中俟不中旌也注以不復釋之微矣 也必不中旌故可不去其不去也非不主於中也恭 挾非與上 耦射敖氏云當上下射之間與經違矣作之 旌倚侯中葢在正下誘射者必 「非左足履物勢必右還其身而後向南 一相變之意 耦西面作上 和射 **亦隨之而並行** 經明言當上 下

可馬適堂 **遂與大射異者變於君禮也** 經 挾矢者 俱以不射故也其不挾矢與大射同而不 則宜云階間而何以云西階之東耶 **云還其後則是過下物折向北又折向西而還]** 之 不挾矢而并不決遂與大射之 於下射之南還其後降自西階〇經先言出於 射亦正對上 南則是由物間而出從 西不決遂袒執弓〇注云因不射不備益 東北面命上 射而下射自喻若在上下射之間 無射獲 下射南向東行也 雖決遂而仍 無獵獲亦

襲反位立於可射之南〇襲復衣也對袒而言故謂之 三稱卒射亦如之〇言三耦不過渾舉之其何必改三 一射於左〇當發位並行向西階時上射南下射北上 襲與聘禮之襲有別司射之南之位司馬至此時乃 為二凡無關大義而輕改經文者俱不敢從O第1 之後也疏似倒釋經文且失注中圍下射之義 位雖其位於此始立焉爾 改解南之位而位於是焉不日復初位而日反位者 明仍在左也 於左矣不待降階時始易位經於階下著之者

找豐等毛 乃設福於中庭南當洗東肆〇陳氏祥道日考之於 司射交於階前相左〇司馬適堂西在司射未降先司 司射降指扑反位司馬適堂西袒執弓由其位南進 Z 射前降而司馬已至階故於此得相交 **乔福者坐奠委矢者坐委乘矢者坐撫取東矢者** 依 則個卑而無足可知舊圖個有足誤矣竊謂福 敖氏亦必削去亦如之而後可也 但不高耳南當洗亦大判言之未必尺寸不 南亦可云當 射者相左相揖之事矣而經言亦如 5

若堂下一命之士齒於鄉里者有之故鄭以此士解 衆賓之中無士矣葢旣為士則不在詢眾庶之中也 大夫雖衆皆與士為் ○有大夫則以公士為賓然則 射進坐橫弓覆手自弓上 乃復求矢加於楅〇不盡之矢必棲於隱 个兼諸弣順羽且與執弦而左還退反位東面揖下 射東面下射西面上射揖進坐横弓郤手自弓下取 **賓為士不知此固秀民而非士矣** 與大夫為耦葢亦觀禮而非習射者也敖氏誤以眾 一取一个與其他如上射○拾 載處須求乃

対體を目 既拾取乘矢揖皆左還南面揖皆少進 面滑三挾 氏以上端向人為敬之說似是實非 亦有弓下弓上之 向西故左手踣弓有卻手覆手之 改不過進而近 時著其面位而日東面揖然則取矢東西面 射儀有揖字此似脫方南面射時上 時 西之位 經無北面之文因不必還 个揖皆左還 //X سيداها 福耳非北面也惟取矢者 不同若皆北面則其儀不異矣 ·射於右〇北 周異於)異勢右手取 當檔南皆左 下射肯 面下 大射故 向

在 右注 **居左及南面射時** 四南者向 是皆左 西是於左 司が 下射左還 反位 故 也 可 面揖而 解 經於皆左還之下而明之 下射在東是於右也至再左還 南者向 射乃退 少南 上射履 後反位〇逆受者息 取 滑三 行乃西面也敖氏云上 辞上 而從 西物是居右也 挾 階進射時上 射之 焉當北面時 射 則 射 並

横 不貫不釋 **紫如初可知勝疏儀省之說葢第二第三番賓主大** 夫等無不射者不應於此威儀反省 、為横矢北括則南首算則南末與矢相 (其餘於中西南末〇實算者東面算於庭為縱於 ·命去侯獲者許諾司馬降釋弓反位〇集說言不 期其貫不期其必脫也敖氏求深反失 〇中一而又脫則巧力俱全安有不釋算之 、揖皆由其階降揖主人堂東祖決遂 **資於堂西亦如之〇皆由其階降時兼** 矣未有傲然俟其至而受者

襲○敖氏日亦有司授之於堂西大夫為下射以貴下 反位升〇敖氏日階東階西當序之位反立於此相待 其耦大夫為下射揖進耦少退揖如三耦及階耦先 、卒射揖如升射耦先降降階耦少退皆釋弓於堂西 矢在其下而乃於堂下執弓挾矢葢有司取以授· 夫升時專指主賓言教氏日賓主之弓各倚於其 賤之莪也耦先升三等而大夫從之上射之體也皆 釋弓於堂西亦過司馬之南而後為之以與耦俱行 **夫祖没遂執号搢三挾一个由堂西出於司射之西**

釋弓去扑襲進由中東立於中南北面視算○注云射 可馬祖決執弓升命取矢〇決遂二 双原管見 一大学上と主 馬不決逐徑執弓之文開此決字當行良是 當其東時亦必遠羽而近鏃斯不損羽故云上握 事己明甚集說謂算中有尊者之獲不敢佩刑器 **爬之迁甚中西之地有第而釋獲者又在故由中** 一勝則日右賢於左若左勝則日左賢於右以 則俱脫無獨著決理注疏俱未釋敖氏據上經 天則兼束之以茅上握焉O取矢必先股束然 一者相將著則俱著

告若有奇者亦日奇〇**告**則分左右而總計之飮則 勝者之弟子洗解升酌南面坐奠於豐上降租執弓反 位〇經云勝者之弟子則即是射賓中之年少者矣以 可射適堂西命弟子設豐〇敖氏謂命設豐不攢扑者 執何者酌授於席前举彈而授執爲者也不在豐 四純 是勝黨故袒執弓降時始執者前洗酌有事也先 **爬谷耦之勝負假令十算則日五純假令九** 以尊者亦當飲此豐上之爛不知賓主大夫之飲固 九奇恐未然 奇菘算有1 7 一即日純矣孔氏頻達謂九

夫飲則耦不升若大夫之 大夫飲乃適堂西釋弓似屬臆撰 **執張弓乎旣不執叉何釋敖氏謂耦執張弓立射位** 馬祖決執弓之比斷不可從 為行文而以反位為反堂西之位刪經破注非上 **楣設 豐之 靠 位 在 堂 西 而 不 典 射 故 以 袒 執 弓 三**)耦不升堂徒執張弓立於射位甚無謂也况大 網不勝大夫並不執張弓也而謂大夫不勝耦)耦不勝則亦執弛弓特

獲者執虧使 右東面立飲不拜旣爵〇左个西北三步獲者之位 个中亦如之左个之西北三步東面設薦爼獲者 皆在侯細玩此 注以爲受衝於侯薦之 面坐左執爵祭脯醢執爵興取肺坐祭遂祭酒與適 大射儀則 人執其腐與爼從之適右个設腐爼獲 及大 日獻服不氏服不俟西北三步 射儀其言獻也則異其文 於位獻薦異處敖氏謂獻 也兩處經文不同也至其言 獲者負侯北面拜受 西面拜送 爾明

當爲侯祭矣故鄭注於其祭酒而曰反注反注者 身內注與凡禮外注異所以明其為侯祭也然則 薦雖主獲者實兼爲侯是以爼有三祭旣有三祭則 俱日左个之西北三步東面設薦爼並無異詞然 兩禮所設薦爼俱在其位明矣如薦爼先設於侯 後仍設故處而祭中何耶故當以注為正至所以 乃獲者不先祭中反令徹其薦爼先祭右个左个 、時萬俎之 則同於獲者將祭時俱日萬俎從之於既祭後 設亦當順侯北面之位而不當從南面 則

位〇敖氏日去扑者獻不可佩刑器此說得之 可馬受虧奠於篚復位〇司馬既獻即 一扑說決拾襲適洗洗骨升實之以降獻釋獲者 射先反位〇据鄭賈之意三耦初 2供至獲者飲時則北面受野奠訖 北面故即北 面可馬司射各就其右受之 面拜受其飲也則北面者轉而東面東面者 《面拜受質司射北 面拜受釋獲者本在中西東面 吳灰此 面拜送虧○獲者 乃復位

皆進門前揖及福捐拾取矢如三耦〇階前之 **以** 各以其糊進反於射位〇敖氏日大夫之耦以序而獨 夫進坐說矢束〇矢束在福其說也必於稲敖氏謂 提 進 大夫自為耦者並行至楅南即為之其與士為耦 **南揖也及橘之揖則東西相向矣敖氏謂亦南面揖** 儒頗疑其說俟訂 此經注云學不言先三耦未有拾取矢位無所先諸 至司馬定位後第一 West la stad 一番射更移於司馬之西南 一揖各向

、騶虞○按詩孔疏謂射義注則 備釋騶虞與小序異鄉固未嘗取其說以注禮也 買誼新書云點者文王囿名虞者囿之司獸又 釋朱子箋註相異之疑然注云**思得仁如**騶虞之-以充其官則未始以騶虞爲官與簑裘亦無大異至 一輝貨與大夫奠於薦右未飲今仍使二人終 ₩解資與大夫不與取奠解飲○暴者二人 一者皆不失人官備可知則以

西序之席北上 記 至末雖不行酬亦必酌而奠之葢不敢必其不 西序之席者豈以無介而實不拘於三與然決非位 **商侠言質而不言布大夫士言布畫而不言質則** |布侯畫以鹿豕凡畫者丹質〇陳氏群道日天子 一其地不采可知易氏 ,熊侯白質諸侯爆傑赤質大夫布侯畫以虎 一如疏說也北上固統於賓亦見異於介席 |升實輝反莫於賓與大夫〇 |〇衆賓三人耳其席南面東上今乃有

杠長三仞 O 鄭云七尺日仞葢本包咸論語准不從 **侯大参干卿大夫麋侯賓射天子用五正三正 次黑充其尺寸使大如鵠三正之侠去元萬二正之** 侯也孔氏類達曰大射天子三侯虎熊豹諸侯亦三 朱之侯實射之侯也獸侯鄉射之侯也記所言則獸 則此記是也朱子日五采之侯中朱次白次蒼次董 之侯諸侯用三正之侯卿大夫士用二正之侯燕尉 氏以兩機畫計而不以橫畫兩端計與記違矣 《如笴其間容弓○容弓上下兩物中空之地也數

浆賓不與射者不降○大夫尊不與射不降可知嫌 几挾矢於□指之間横之○無間矢之多寡狹之總於 北難信 第二 賓不與射因賓主大夫降而亦降故特明之 多則以餘指分挾之失記意 爾雅以四尺寫仞如是則仞有三尺之墙止高七尺 岐流子注八 〇敖氏謂拾取已矢乃為之似得上經文遂取一 一矢者旣拾取矢而後兼誘射之乘矢而取之 | 指問放不日指間而日二指之間敖氏謂 *** · 1 · * * L (為何者尋八尺則仞七尺矣孔鮒 Ĭ

被者之爼折脊脇肺臑〇此條注疏於 候道五十弓弓二寸以為侯中〇此中一丈三分其 鄉侯上个五尋中十尺〇布幅之廣當以漢志所云! 大夫後出 〇注謂下鄉人不干其質主之體潔得體意 腦字行之說亦屬應斷也 敖氏云欲使主人與賓大夫各盡其禮而賓與大夫 **意視注反位後更進取之說為長** 以爲三尺二寸俱未的 亦得各伸其尊其失與鄉飲樂作大夫不入之解同 尺二寸為正故注據之淮南子云二尺七寸巡狩禮 Ī

君國中射則皮樹中以翻旌獲白羽與朱羽糅於郊則 できべい 間中以 也 龍尳耶集說似 者安得用皮樹韌 在竟而中與旌亦各隨地而別若大射則未有在 四尺六寸有奇九十弓之侯中丈八尺鵠六尺 為鶴則三尺 \旌獲於竟則虎中龍旜○惟賓射則容有在 旌燕射未有在竟者安得用虎 **寸有奇七十弓之** 〈樹獸如· 面閭角如廳羊 一侯中丈四尺 國

係 <i>禮</i> 管見卷上之五			作演催見 一次 オーナンニュ
上之五			***************************************

儀禮管見卷上之六 食食重於燕饗主於敬燕主於歡而食以明養賢 致蕭敬也食以飯為主雖設酒漿以潄不以飲故 無獻儀燕以飲為主有折俎而無飯行 一禮聲則體薦而不食舒盈而不飮設几而不倚 升坐以盡歡此三者之别也變食於廟茲則 長洲後學豬寅亮撰 **뻬鳴嘴同校字** 鳴嘴 一獻之

勝字具官**饌於寢東○此禮先設君與賓之席獻後乃** 賓鄉大夫諸公皆同時先定位故官饌之文在設席設卿大夫之席故具饌之文在設席前大射儀則君 謂先具諸官所當饌之物旣設資席官乃改饌之恐 後實皆止一次假也敖氏因少牢禮有改假之 未然細玩經文官假一字專指諸臣萬羞而言諸臣 而無實食意者變食之體自待賓客外惟施之於於寢其處亦不同矣效之諸經諸侯於已臣有燕 **耆老孤子與**

設洗篚於作階東南○若果司宮設之 儀也至公食禮辛夫之具與於東房者尊賓而同於 射儀云宰胥獻脯醢由左房庶子設折爼升自西階 宫設洗篚下經宜蒙此經而直云尊於東楹之西名 宰設折俎升自西階而不言由左房以互見於大 君假也庶羞自門外入則又食禮之異於燕禮 在學也與公薦爼之處兩篇俱空其文尊君 何以此不言司宫而下始言司宫故注云不言其 知君之薦爼饌於東房矣此篇但云士薦脯醢 則此經宜 也

左元酒南上〇凡設尊之人必面其鼻而設之元酒在 無加府也〇两君相見各三重席不待百矣其待異國 也洗箧二字不妨連言何必武勵魔為行文 左酌酒亦面鼻酌燕禮大 元酒於君仍在左於酌者則為有 孫則以介爲賓也賓無加席故主君亦無加席即郊 之臣則食禮有加席而蔣禮無加席以食爲聘使而 特性所云三獻之介君專席而唯示降尊以 八射在草錢劑取不背君故

負出立於門外東面○大射辨每卑故北面燕主歡心 資有加席禮重也與賓無加席禮輕也公則仍有 席矣以資非外臣也完筵一重加繅席再重合為二 仍寓實主之義故東面敖氏据彼改此亦爲此面泥 聖書見 東老上之木 注云私禮對公食大射而言也 |於作偕之東南南鄉爾卿〇公立作階東南 **運於食食有加席饗更可知若飲已臣則** ||於諸公卿者(卿則卿初位遙直東序而不當東階明矣 前 射

膳宰設折俎○敖氏日公俎似當用肩賓俎用臂與鄉 **些取觚洗 坐絕祭○當以鄉飲酒疏臣在君前不繚祭皆絕祭之** 不啐酒〇注云未薦者臣也葢鄉飲鄉射主賓敵故 獻酢等曲折之節文不具者按郷飲大射以意求之 說為正下文云公祭如賓禮祭則皆同祭肺之 飲酒禮異 則不同勿泥 則掰禮亦隱寓辨尊卑之義 〇角觚也於此明其為觚下 後即薦此臣代君爲主故未即 通 稱爲虧 練絕

統の理念目記し 則此一 爵固皆 不用虧則酬亦不用觶矣安可改觚為觶 再拜稽首獻酢禮均則此豈宜獨異又云公答再拜 郑也集說謂一 下拜矣又何獨不望再拜稽首之禮乎經不言者 拜受之說亦未然矣 西階作階下北面拜送爵〇獻禮之受虧送)凡字之無關義例者古人立文不 拜但臣與君行禮無不再拜稽首者且旣 此酒字為衍何與 1 /blanda 12 拜不稽首未然又案下文自酢雨 爾今歇

「祭酒遂奠於薦東○代君行酬即是尊者之賜矣故 皆然豈此乃大夫以上之酬禮與 敢安暇為安 自飲者乎下經公酬質亦立飲可見君當立飲 之復酌已是不令其飲矣義殊牽强豈有酬而不 飲者故辭其坐飲也敖謂欲即受此解不敢煩主 君臣朝酢君立飲而臣坐飲賓以尊君之禮尊代君 、坐祭遂飲賓餅○注謂餅其代君飲酒不立飮葢 、拜送鹤〇投而不奠異於士禮少半下篇酬月賓 的膳賓西階上 ||拜〇先拜之義依疏急承君勒| L

序 進 公命長 「俠後洗者則酌散時周隨而行安得有交於楹 命皆致則序進奠輝於篚作階下皆再拜稽首 進而酌也 拜媵爵者洗象觶升實之序進坐奠於薦南〇風 | 酌散交於楹北〇前之序進進而盥洗也後之序 則卑鄭君之意便明 而祭與先拜之義 相交者必相左 卵大夫之中卿字行觀大 | 故兩言之岩如敖氏先者立於西階 西面北上 吉事皆然經不盡言耳 一序進盥洗角觶 也 、射儀注卿則尊 升自西階

公坐取大夫所媵解典以酬賓〇言典以酬則是会就 》 輝洗 ○朱子日更易二字 註疏說雖詳然於例頗有 賓脂酬之矣敖氏謂公不下席未是 俟明矣〇先酌者西行宜在北後酌者東行宜在軍 進在奠解前次言序進在升實後其不在西階上方 如是乃得相左而交於極北疏似倒說 **執角觶待於洗南俟後命也既得命則先奠觶於筆** 不合疑本無異義不必强為分別 乃拜命既拜乃洗氣輝禮之次第宜然此輕始言息 小臣餅〇下拜臣之常禮而辭之以其爲賓也

更解洗 受地でする 有諸公則先 人命之亦與卵序 字指觶不指尊非衍也觀下文云若膳觶也 則重亦名 "階西 膳解 升實散〇凡 別言之 北面東 卿獻 膳輝承上 謂位近於君是也不 此經是也 旅者不 則席同者 升敖氏謂獻即先升恐未是 「無加席○同於賓也不設之 獻 有命不易之 个洗此洗 雖先 石垣席異者日加 卿其升席 者為更賢也 1 言無重席 而言也 亦必俟 則降 統

若命長致〇上、經云若君命皆致此云若命長致作 與立於洗南者二人皆再拜稽首送觶〇注云以其共 胥嶌主人於洗北西面〇萬主人不於賓酢時者公未 定之詞似任公之意乃所以優公也若論禮意則 也兩義俱有 勸君紫初媵事也敖云並受君命宜終之指此節事 命二人致次命一人致乃隆殺之節宜然 亦大夫也同街而先薦者則如注所云尊之也於 而知主人之為大夫也並決既是大夫而注云 獻卵時者爵卑於卿也薦於獻大夫時

辨獻大夫遂薦之繼賓以西東上〇辨獻乃布席布席 乃薦之經言卿席設於賓左大夫繼賓以西則賓西 故不薦於上不薦於上則上無其位矣其始也與大 無卵與大射禮異孔顏達燕義疏謂小卿在實西者 獻大夫之前實待一一獻乾乃薦主人不過在在 洗北非至薦時方易位也集說亦誤 **夫同立中庭北面之位至從賓升階後則途定位於** 無位者堂上 (辨縣大夫方有事安得遠薦之經雖言於雜 1/10to 2 2 2 2 2 2 2 2 2 2 2 2 2 一非本無位也按大射儀注云因辟正主

樂正由楹內東楹之東告於公乃降復位〇注以此為 公又舉與解惟公所賜〇受賜者無論卿大夫必免以 主人洗升獻工〇凡不洗者不祭下泉工 若敖氏以爲此禮止一 大樂正位在東縣北而小樂正立於西階東北面自 酬寅乃以次而下 洗可知皆洗皆祭君禮之異者也獻進同 辩俟其升席後乃以樂樂之禮之序也 於西階上 一〇所主為那者或卿或大夫不定故秘 一樂正告後復西階東之位一

近天 世上 ニュー 之與再拜稽首左還南面坐取解洗南面反奠於其 賓下非衍也 庭位為作階前南北之中而非階間南北之中誤 鄉飲同作階前之中庭公立處也臣可立乎 西白西向南也天左還亦自南向西自西向北也 則與經文左右適相反矣日月五星石還亦自北 何以右還為自北向東左旋為自南向東耶其以 〇注疏從觶西往來之說確不可易敖氏謂由觶束 **血坐奠解右還北面少立坐取觶與坐不祭卒觯** 東請徹爼降公許告於賓〇降字似宜在告於 160 - 14 14.a 向 所

對日諾敢不醉皆反坐〇敖氏云院遏則可正降而復 位然究以往退立西序端之說為正盡統為司正 位厭訖仍升立序端也 者制亦可知 見膚也深衣連衣裳為之而日短毋見膚則妹衣裳 酬時俱當止堂上 一無跌燕則有之此體說腰即跣矣然亦未嘗 解主人拜送解 O 个文解為 人夫皆說履升 一以祭儀迨其受獻乃降復興 ン少儀 日 凡 祭 於

主人就放食之尊而獻之〇當依注尊後北面酌向 東上〇司正庭長於獻士時而先薦之益可明薦主 乃薦司正與射人一人司士一人執幂二人立於解南 應用解獻不用觶之言皆改經以遷就臆見也 之義爲長獻之或西南面敖說可從 司正正當輝南射人而下以次而西俱北 **訖郎廌不待辯獻乃薦所以殊之於羣士中其位則** 於獻大夫時者亦以虧同也獻司正等仍與士序獻 (射正為司射如鄉射之禮 〇亦大判言如鄉 上經廢觚於賓之觚亦改為觶以實酬 面

資降洗象輝升酌膳坐奠於薦南降拜小臣辭實升 一旅於西階上辯士旅酌卒○旅食己 人是也 射耳其實異者正多卽注亦略舉其一 者以意求之可也大射正敖氏言即上所云射人 〇前公酬賓而賓升成拜與君行禮之始此實媵公 指旅食者言耳 及之故注云皆及焉但細玩經文上云士旅於西 而升成拜與君行禮之終 一辩者似專指士故言辩而不言卒至士旅酌卒 一得獻則旅酬宜

人洗升自西階獻庶子於作階上 之且不與旅存此鄙見侯折衷於賢者 大小樂正亦不應在旅食後竊疑左右正如宮正等 官與內小臣為 位未必與燕既有列於位獻當從其爵豈宜在旅 左右正內小臣為夫人之官故不論對而最在後獻 後注是也惟注以左右正為樂正則未敢深信益 逐獻左右正與內小臣皆於阼階上 而以卿大夫士之子當之夫卿大夫士之子苟無 〇庶子官燕義有明文不知後儒何故必不信禮 類夫人之官也庶子為世子之官 一如戲士之禮辩 一如獻庶子之禮

不從者以此時禮殺止答降席之拜也 降席下奠寫再拜稽首公答拜〇古文日公答 執散鸽者乃酌行之〇此禮無算爵止一**鹤序酬** 遂 公有命徹緊○葢在大夫旅畢士初行旅之時 一也有執膳爵者有執散虧者〇 矣役言此者見士旅時升反坐士終旅於上如 以士且變文日執爵禮殺也 舒錯酬之儀 暫止的之事故俟其反坐而後終旅也 如初 有公命徹幕卿 一已言士族酌亦如之

賓為荷敬席於作階之西北面有營不齊肺不啐酒共 介為賓〇敖氏謂大夫為聘使則挑以主國之大夫 寡君君之私也〇注訓私為受恩厚彼此俱可題用 在本國則諸公也二者之外則無矣若公所與蔣者 所嫌但無荷敬之席耳荷敬之席在外臣則聘賓也 賓非也如其說則反主為客矣即以聘使為賓亦無 **或卵或大夫自各從其本位耳朱子謂所與燕者雖** 稱其君為私屬之理敖氏同誤 氏心傳謂私之言屬則或晉使聘於邾滕豈有反自 祀 Mu.

麦膳者與執罪者皆士也羞卿者小膳宰也○惟薦則 升歌鹿鳴下管新官笙入三成遂合鄉樂〇此見納<u>質</u> 矣此言羞膳者士而不別言羞實之人則亦同君而 南吃三詩此則升歌同而堂下所奏之詩所用之器 **賓而外卿大夫同豈專指大夫以下乎** 以樂之異於常燕也常燕則工歌鹿鳴之三而笙奏 以士可知下文云凡薦與羞者小膳宰也言凡見自 公以士賓以膳睾以見等差至設折爼則同以膳宰 耶不啐酒則亦不告有矣 不為實亦當如荷歡恐未然倘有諸公位之於何處

有房中之樂〇毛公侯芭孫毓皆云有鐘磬王肅! 奏亦屬笙師故笙入承下管之文管指器笙指職 也若謂管新宫後而始入則吹管者何人三成者 詩俱不可通周公時已有新宮其非斯干可知朱 享权孫昭子賦新宫則有辭可知故注云小雅逸篇 又此無間歌亦異常燕經云遂明不用間之意 鐘磬與注同疏謂祭祀有鐘磬燕禮無鐘磬分別其 同故別言之欢周官笙師管笙等皆其所掌

ļ

儀體管見卷上之六			像雕作鬼
上之六			巻上之木

STATE SALES OF THE PARTY AND PERSONS.